

boenda
FERÐIR

FLJÓTASIGLING Á RHÔNE & SAÔNE



31. júlí – 8. ágúst 2025

Fararstjórn: Hólmfríður Bjarnadóttir

Sumar 13

Frakkland | Ítalía | Sviss

Ferðalýsing

Við hefjum ferðina okkar í alpaperlunni Annecy í Frakklandi þar sem við skoðum okkur um áður en við höldum í glæsilega fljótasiglingu eftir ánum **Rhône og Saône** um dásamleg héruð Suður-Frakklands. Siglt með skipinu **MS Mistral** frá Chalon-sur-Saône í **Búrgúnda** héraðinu og suður til Martigues við **Miðjarðarhafið**. Á leið okkar kynnumst við hrífandi fögru landslagi, fallegum borgum, köstulum, litríkum þorpum og fræðumst um sögu og menningu þeirra. Fjölmargt verður einnig skoðað í landi, m.a. gamla, rómverska borgin **Mâcon** og við njótum fegurðar Búrgúnda og **Beaujolais** vínhéraðanna með viðkomu í Hameau du vín safninu. **Lyon**, borgin við ármót Rhône og Saône, er einstaklega töfrandi og á siglingu verður að við bæinn **Tain l'Hermitage** við frægustu vínakra Frakklands. Ólýsanleg fegurð leikur um okkur þegar við ökum um **Ardèche** gilið, sem stundum er kallað Grand Canyon Frakklands. Í **Provence** héraði heimsækjum við hina einstöku borg **Avignon** og í **Arles** fetum við í fótspor listamannsins Van Gogh. Við hrífumst af heilandi héraðinu **Camargue** og **Saintes Maries de la Mer** sem er yndislegur píligrímsbær. Siglingu okkar lýkur í **Martigues** og flogið verður heim frá **Barcelona**.

9 dagar | 8 nætur

2 nætur Annecy | 6 nætur MS Mistral



31. júlí | Flug til Genf & Annecy

Brottför frá Keflavík kl. 07:20. Mæting í Leifsstöð u.þ.b. 2,5 klst. fyrir brottför. Lending á Genfar flugvelli kl. 13:05 að staðartíma. Nú verður ekið yfir til Frakklands, nánar tiltekið til Annecy, perlu Alpanna við Annecy vatn, sem er umvafið frönsku Ölpunum. Við gistum í tvær nætur í þessum skemmtilega bæ.

1. ágúst | Dagur í Annecy

Byrjum daginn á gönguferð um Annecy. Þessi fallega borg liggur inn á milli fjallanna við Annecy-vatnið og er hún ein þeirra elstu í frönsku Ölpunum. Þar er einstök náttúrufegurð og bærinn er gjarnan kallaður Feneyjar Alpana en þar standa litskrúðug hús við heilandi síki. Yfir bænum gnæfir höll og mörg húsanna eru frá 16. - 18. öld. Eftir hádegi verður hægt að fara í siglingu á vatninu.



2. ágúst | Chalon sur Saône & sigling á ánni Saône

Nú kveðjum við þennan fallega stað en þaðan verður ekið af stað í vestur, fagra leið til Chalon sur Saône. Vegna legu borgarinnar og fjölmargra vatnleiða í kring, lá rómverska verslunarleiðin þar á tímum Rómverja. Borgin var ein mikilvægasta viðskiptaborg miðalda en er nú þekktust fyrir að vera ein af verslunarborgum Búrgúndí vínhéraðsins. Chalon er fæðingarborg Nicéphore Niépce, sem var uppfinningamaður og frumkvöðull á sviði ljósmyndunar. Hér bíður okkar fljótaskipið MS Mistral sem er sannkallað fljótandi eðalhótel

og verðum við boðin velkomin í stuttri athöfn áður en kvöldverður hefst. Á meðan á kvöldverði stendur tekur MS Mistral stefnuna niður ána Saône til Mâcon. Þar sjáum við í hina frægu, löngu vínakra Côtes du Rhône, Beaujolais og Maconnais.

3. ágúst | Mâcon & ljúf sigling til Lyon

Eftir morgunverð gefst tími til að rölta um elsta hluta hinnar fornu, rómversku borgar Mâcon. Ráðhúsið og fleiri byggingar minna á blómatíma hennar sem höfuðborg Saône-et-Loire svæðisins. Þarna er að finna eitt elsta apótek landsins frá 1761 og það er sannarlega þess virði að skoða. Borgin



gegndi lykilhlutverki í starfi frönsku andspyrnuhreyfingarinnar í seinni heimstyrjöldinni og var fyrsta borgin á frísvæðinu milli Parísar og Lyon. Á meðan við borðum hádegisverð á skipinu líðum við áfram á siglingu til Belleville og upplifum töfrandi náttúrufegurð á leið fram hjá Côtes du Rhône, Maconnais og Beaujolais vínökum. Eftir hádegisverð er skoðunarferð í landi. Við ökum um Beaujolais vínræktarhéraðið og skoðum áhugavert vínsafn, Hameau du Vin í Romanèche-Thorins. Við kveðjum að sjálfsgöðu ekki svæðið án þess að smakka hin frægu vín héraðsins. Skipið bíður okkar í Belleville og siglingin heldur áfram til Lyon. Við snæðum kvöldverð um borð en skipið kemur til hafnar að kvöldi og liggur við festar hjá Lyon yfir nóttina.

4. ágúst | Lyon, sigling hjá Vienne & Tain-l'Hermitage

Eftir morgunverð höldum við í skoðunarferð um Lyon, sem er önnur fjölmennasta borg landsins. Við skoðum elsta hluta borgarinnar, St. Jean, sem stendur á tanganum við ármót Rhône og Saône. Torgin Place des Terreaux og Place Bellecour í St. Jean teljast með stærstu torgum Evrópu. Hádegisverður er snæddur um borð og siglingin heldur áfram suður ána Rhône til vínbæjarins Tain-l'Hermitage. Leiðin er rómantísk og fögur, siglt verður hjá gömlu, rómversku borginni Vienne en borgin geymir umtalsverðar minjar frá tímum Rómverja, s.s. hof Ágústusar. Við siglum áfram og við tekur Condrieu héraðið, hjarta Côtes du Rhône sem þekkt er fyrir einstaklega gjöfuga vínakra. Kvöldverður verður snæddur um borð. Skipið kemur að kvöldi til bæjarins Tain l'Hermitage en þar eru einir frægustu vínakrar Frakklands. Þarna liggur skipið við festar yfir nóttina og er upplagt að fara í bæjarrölt um Tain l'Hermitage eftir kvöldverð.



Við siglum áfram og við tekur Condrieu héraðið, hjarta Côtes du Rhône sem þekkt er fyrir einstaklega gjöfuga vínakra. Kvöldverður verður snæddur um borð. Skipið kemur að kvöldi til bæjarins Tain l'Hermitage en þar eru einir frægustu vínakrar Frakklands. Þarna liggur skipið við festar yfir nóttina og er upplagt að fara í bæjarrölt um Tain l'Hermitage eftir kvöldverð.

5. ágúst | Sigling til Avignon & Ardèche gilið



Að morgni heldur þessi heillandi sigling áfram, fram hjá kastalanum La Voulte, Tournon og háskólaborginni Valensa til St. Etienne des Sorts. MS Mistral leggur að landi á meðan við borðum hádegisverð. Eftir hádegi verður ekið um hið stórfenglega Ardèche gil, sem er 300 m hátt og 30 km að lengd, en mikill kraftur árinna Ardèche hefur sorfið sig inn í bergið og myndað hella, boga og skör eins og Pont-d-Arc sem er 34 m á

hæð. Á leið okkar njótum við stórkostlegs útsýnis yfir þetta villta landslag. Við höldum síðan aftur til skips og ljúflega siglum við áfram, fram hjá Roquemaure, Pont-St-Esprit og Donzère-Mondragon en þar verður farið um stóran skipastiga. Áður voru þarna miklar flúðir en fljótið



hefur verið tamið með sterkum varnargörðum og skipastigum. Þessi gamla leið frá Miðjarðarhafi til norðurhluta Evrópu var sú eina sem lá ekki yfir fjallgarða. Á þessum slóðum stigu Rómverjar sín fyrstu skref til yfirráða í Gallíu og skildu alls staðar eftir sig ummerki. Komið verður að landi í Avignon seint um kvöldið en frá ánni skín borgin eins og glitrandi perla.

6. ágúst | Sigling um Provence hérað, Avignon & Arles

Eftir morgunverð verður haldið í skemmtilega skoðunarferð um Avignon. Borgarmúrarnir um gamla bæinn hafa varðveist með eindæmum vel en innan þeirra er að finna fjölda sögufrægra staða. Við munum staldra við nokkra þeirra á göngu okkar um borgina, s.s. Palais des Papes, höllina sem var íverustaður páfans á 14. öld, dómkirkjuna og það sem eftir er af brúnni Saint-Bénézet. Á meðan við snæðum hádegisverð á skipinu léttum við akkerum og siglum fallega leið til Arles. Síðdegis gefst tími til að skoða sig um í þessari einstöku borg, sem er ein af perlum Suður-Frakklands. Við göngum að hinu margrómaða rómverska hringleikahúsi og safni Van Gogh en listamaðurinn dvaldi í bænum um tíma og málaði þar mörg sín þekktustu verk, þ.á m. *Gula kaffihúsið*. Skipið liggur hér í höfn í nótt. Um kvöldið njótum við glæsilegs hátíðarkvöldverðar og skemmtiatriða á veitingastað skipsins og eigum góða stund saman.



7. ágúst | Camargue & sigling til Martigues



Í dag förum við með rúttunni í ferð um Camargue svæðið, sem er friðlýst vatnasvæði myndað af framburði Rhône. Þar má sjá hópa af flamingóum, svörtum nautum og hvíta, arabíska hesta. Á þessari leið verður komið við í strandbænum Saintes Maries de la Mer, sem er pílgrímsbær evrópsks rómafólks. Eftir það verður ekið til Port St. Louis vestur af Marseille, þar sem hádegisverður bíður okkar um borð. Nú leggur skipið af stað í siglingu út í Fos flóann,

gegnum þröngan skipaskurð til Martigues við Rhône delta óshólmann, en þar rennur áin út í Miðjarðarhafið. Martigues minnir um margt á Feneyjar, þar má sjá litrík hús standa við falleg, brúuð síki sem tengja bæinn saman, enda hefur hún verið kölluð Feneyjar Provence héraðsins.

8. ágúst | Kveðjustund & heimflug frá Barcelona

Það er komið að heimferð eftir yndislega og ljúfa daga. Að loknum morgunverði kveðjum við áhöfnina á fljótaskipinu og öikum sem leið liggur til Barcelona flugvallar. Vinsamlegast

athugið að það er talsverður akstur til að komast á flugvöllinn en að sjálfsögðu verða gerð góð stöpp á leiðinni. Brottför frá Barcelona flugvelli kl. 22:40 og landing í Keflavík kl. 01:20 að staðartíma, aðfaranótt 9. ágúst.

Fararstjóri getur fært dagskrárliði á milli daga eftir þörfum þegar komið er á staðinn.

MS Mistral

Á MS Mistral verður gíst í þægilegum vel búnum káetum með tveimur rúnum, sturtu/salerni, loftkælingu, hárpurrku, sjónvarpi, öryggishólfi og útsýnisglugga. Uppi á sóldekki er allt til alls, bæði legubekkir og borð og stólar. Um borð er setustofa með bar, veitingasal og les- og sjónvarpsstofu. Á kvöldin er þjónað til borðs. Fullt fæði er innifalið og drykkir með mat og á barnum á meðan á siglingu stendur.



Verð

493.900 kr. á mann í tvíbýli | 116.400 kr. aukagjald fyrir einbýli.

48.900 kr. aukagjald á mann í tvíbýli fyrir káetu á efra þilfari | Ekki er hægt að fá einbýli á efra þilfari.

Innifalið

- ✓ Flug til Genfar með Icelandair og flugvallarskattar.
- ✓ Flug frá Barcelona með Play og flugvallaskattar.
- ✓ Gisting í 2ja manna herbergi með baði á hóteli í lok ferðar.
- ✓ Morgunverður allan tímann á hóteli í Annecy.
- ✓ Einn kvöldverður á hóteli í Annecy.
- ✓ 7 daga fljótasigling frá Chalon-sur-Saône til Martigues með MS Mistral.
- ✓ Gisting í 6 nætur á MS Mistral í káetum með sturtu / salerni.
- ✓ Morgun-, hádegis- og kvöldverður á MS Mistral.
- ✓ Allir drykkir með máltíðum á skipinu, vín, bjór, vatn og kaffi espresso.
- ✓ Móttökudrykkur á skipinu og allir drykkir á bar. (fyrir utan drykki á sérseðli).
- ✓ Gala kvöldverður á skipinu.
- ✓ Aðgangseyrir í vínsafnið Hameau du Vin og vínsmökkun.
- ✓ Allar skoðunarferðir með rútu samkvæmt ferðalýsingu.
- ✓ Íslensk fararstjórn.



Ekki innifalið

- ✓ Aðgangseyrir inn í söfn, hallir og kirkjur.
- ✓ Siglingar, vínsmökkun og kláfar.
- ✓ Hádegisverðir aðrir en þeir sem eru innifaldir um borð í skipinu.
- ✓ Einn kvöldverður í Annecy.
- ✓ Þjóf fé fyrir áhöfnina u.þ.b. 35 € á mann.
- ✓ Þjóf fé.